

Landesbibliothek Oldenburg

Digitalisierung von Drucken

**Disputatio Inauguralis, proponens Quaestionem: An Muti
Et Surdi Ad S. Coenam Admittendi Sint?**

Loescher, Caspar

Wittebergæ, 1701

VD18 10148965

Titelblatt

urn:nbn:de:gbv:45:1-17034

DISPUTATIO INAUGURALIS,
proponens Quæstionem:

**AN MUTI ET SURDI
AD S. COENAM AD-
MITTENDI SINT?**

Eam

PRO LICENTIA

Summos in Theologiâ Honores consequendi,

PRÆSIDE

CASPARE LOESCHERO,

S.S. Theol. D. & Prof. Publ. Ordin. Consist.

El. Assessor, Ecclesiæ Pastore, ut

& Superint. Generali,

In Academiâ Wittebergenſi,

D. XXVIII. Julii, ANNO M. DC. XCII.

publicè solenniterque

defendet

JOH. GEORGIUS NEUMANNUS,

Professor Poët. hucusque Publicus, & Acad. Bibliothec.

nunc vocatus Professor Theol. Ordinarius.

WITTEBERGÆ,

Typis CHRISTIANI SCHRÖDTERI, Acad. Typ.

A. 1701.





I. N. S. S. T.

§. 1.



Uod Deus benè vertat, stat sententia agere nunc de Quæstione Practicâ: *An, qui simul muti & surdi sunt, admitti possint ad Sacra Cœna usum?* Cùm enim & Quæstio ipsa, si absque certis limitationibus spectetur nuda, anceps esse videatur, & non rarò Autores in ejus

decisione à se invicem discrepent, indeque, quibus sacra peragenda sunt, sæpius, quò se vertant, nescii sint, operæ pretium esse putamus, certos hâc in re ponere limites, quibus, si Quæstio circumscripta cautè consideretur, dubia, si non omnia, pleraque tamen, feliciter removeantur, plana que aperiatur via, quâ Conscientiæ tutè ambulare queant.

§. 2. Illud verò quò rectiùs fiat, rem omnem tribus includemus partibus, quarum *Prima* erit *Hypothetica*, quæ Hypotheses toti negotio inservientes proponet, *Secunda* erit *Thetica*, ex hypothesebus præmissis certas Conclusiones eliciens, remque ad eò ipsam clarè & determinatè sistens, Quam *Tertia* demum, *Antithetica* nimirum, sequetur, in quâ, quæ nostræ & veræ sententiæ opposita sunt, aut opponi possunt, afferentur, & removebuntur.

A 2

§. 3.